

ACTES DU SAINT-SIEGE

DUBIA

De missa votiva Sacratissimi Cordis Jesu**et de precibus post missam.**

A Sacra Rituum Congregatione sequentium dubiorum solutio expostulata est:

I. — An Missa Votiva Sacratissimi Cordis Iesu, a Leone Papa XIII concessa pro qualibet Feria Sexta, quæ prima in unoquoque mense occurrit, prohibita sit in omnibus Festis Domini iuxta Decretum n. 3712 diei 28 iunii 1889; vel tantum in Festis Christi Domini, ad mentem novarum Rubricarum tit. IV, n. 7, tit. VI, n. 4 et iuxta Notanda in Tabellis n. 8?

II. — An Preces post Missam omittere debeat Sacerdos, qui Sacrum facit in Oratorio cuiusdam Communitatis Religiosae, dum ipsa Communitas vel lectioni meditationis, vel alteri Missæ assistit, vel ad recipiendam Sacram Communionem accedit, vel pias preces in communi recitat?

III. — An liceat Preces omittere in fine Missae quae celebratur in altari Sanctissimi Sacramenti si immediate post eam Sacra Communio administranda sit?

Et Sacra eadem Congregatio, audito voto specialis Commissionis, respondendum censuit:

Ad I. — *Negative* ad primam partem; *affirmative* ad secundam.

Ad II. — *Negative*; et in casu Preces praescriptae recitentur submissa voce tam a Sacerdote celebrante quam a clerico seu inserviente vel tantum respondente; et dentur Decreta, praesertim Decretum de precibus in fine Missae recitandis diei 20 iunii 1913.

Ad III. — *Negative* iuxta decretum suprarelatum, et in casu Sma Eucharistia administretur post Preces.

Atque ita rescripsit ac declaravit, die 2 iunii 1916.

A. CARD. EP. PORTUEN. ET S. RUFINAE, S. R.C. *Pro-Praefectus*

Alexander Verde, *Secretarius*.